


補遺雷公炮製便覽

卷十三

補遺雷公炮製卷之十二



補遺雷公炮製便覽卷之十三

目錄

米穀部 計三十六種

胡麻

青蘘

麻蕒
麻子附

白麻油

飴糖

灰藿

生大豆

赤小豆

大豆黃卷

酒

粟米

秫米

粳米

梁

黍米



丹黍米

白粱米

黃粱米

粳米

春杵頭細糖

小麥

大麥

麴

穉麥

蕎麥

菹豆

豉

菜豆

白豆

醋

稻米 稷米附

腐婢

醬

陳廩米

甕子粟

補遺雷公炮製便覽卷之十

米穀部

麻胡



胡麻味甘平無毒主傷中虛羸補五臟益



氣力長肌肉填髓腦堅筋骨療金瘡止痛
及傷寒溫瘧大吐後虛熱羸困以作油微
寒利大腸胞衣不落生者摩瘡腫生禿髮
一名巨勝一名狗蝨一名方莖一名鴻臚

葉名青蘘生上黨川澤

雷公云

凡使有四件八稜者兩頭尖紫
色黑者又呼胡麻並是誤也其

巨勝有七稜色赤味澁酸是真又呼烏
油麻作巨勝亦誤若修事一斤先以水
淘浮者去之沉者漉出令乾以酒拌蒸
從巳至亥出攤曬乾于臼中舂令麤皮

青 囊



一重拌小豆相對同炒小豆熟即出去
 豆用之上有薄皮去留用力在彼殼也

歌曰

胡麻無毒味甘平
 能合金瘡仍止痛
 補臟虛羸益髓精
 傷寒溫瘧吐皆寧
 作油解毒醫瘡癩
 禿髮搽之容易出
 利大腸兮秘結靈
 胎衣不下服無停

青蘘味甘寒無毒主五臟邪氣風寒濕痺
 益氣補腦堅筋骨巨勝苗也生中原川谷

歌曰

青蘘即是胡麻葉
 補髓驅邪侵五臟
 無毒甘寒助骨堅
 風寒濕痺服之蠲

蘘 麻



麻蕒味辛平有毒主五勞七傷利五臟下
血寒氣破積止痺散膿多食令見鬼狂走
久服通神明一名麻勃此麻花上勃勃七
月七日採良

麻子味甘平無毒主補中益氣中風汗出
逐水利小便破積血復血脉乳婦產後餘
疾長髮可爲沐藥久服肥健不老九月採
入土者損人生太山川谷

○
畏牡蠣白
薇惡茯苓

胡麻油



歌曰

麻子甘平最補中
 破積血凝仍治痺
 中風汗出水皆攻
 催生下乳有神功

胡麻油微寒利大腸胞衣不落生者摩瘡
腫生禿髮

白麻油



白麻油大寒無毒治虛勞滑腸胃行風氣

通血脈去頭浮風潤肌食後生噉一合終
身不輟與乳母食其孩子永不病生苦客
熱可作飲汁服之停久者發霍亂又生嚼
傅小兒頭上諸瘡良久食抽人肌肉生則
寒炒則熱又葉搗和漿水絞去渣沐髮去
風潤髮其油冷常食所用也無毒發冷疾
滑骨髓發臟腑渴困脾臟殺五黃下三焦
熱毒氣通大小腸治蛔心痛傅一切瘡疥

癬殺一切蟲取油一合雞子兩顆芒硝一
兩攪服之少時即瀉治熱毒甚良治飲食
物須逐日燻熟用經宿即動氣有牙齒并
脾胃疾人切不可喫陳者煎膏生肌長肉
止痛消癰腫補皮裂

歌曰

白油麻冷滑腸施
更去浮風通血脉
油敷疥癩諸蟲死
陳者煎膏肌肉長

善補虛勞又潤肌
頭瘡生疔貼之宜
大小腸通蛔氣醫
消癰止痛効堪期

糖 飴

飴音糖味甘微溫主補虛乏止渴去血

歌曰

飴糖甘美性溫良
 溫胃又能驅瘀血
 止渴消痰止咳方
 補中可入建中湯



藿 灰

炮製藿灰



灰藿味甘平無毒主惡瘡蟲蠶蜘蛛等咬
搗碎和油傅之亦可煮食亦作沐湯去疥
癬風瘙燒爲灰口含及內齒孔中殺齒蠹
疔瘡取灰三四度淋取汁蝕息肉除白癩
風黑子面點著肉作瘡子炊爲飯香滑殺
三蟲生熟地葉心有白粉似藜而藜心赤
莖大堪爲杖亦殺蟲人食爲藥不如白藿
也

雷公云

金鎖天時呼為灰藿是金鎖葉
撲蔓翠上往往有金星堪用也

若大白青色是忌女莖不入用也若使金
鎖大葉莖高眩二尺五寸妙也若長若
短不中使凡用勿令犯水先去根日乾
用布拭上肉毛令盡細剉焙乾用之乾

歌曰

灰藿甘平治惡瘡
祛風疥癬洗吞良
灰含口內牙蟲死
汁洗陰中蝕肉方

生大豆

